



MØTEPROTOKOLL

Utval: Naturutvalet
Møtedato 15.06.2021
Møtetid: Kl. 15:00 - 17:20
Møtestad: Biblioteket på Bjørkheim

Av 9 medlemmer møtte 9, inkludert varamedlemmer.

Desse medlemmene møtte:	Parti:
Gunn Østvik Petersen	Ap
Anja Elisabeth Gjerde Markhus	Bl
Ove Totland	Bl
Øyvind Steinsland	Bl
Karl Bård Kollbotn	Frp
Linda Haug Kollbotn	Frp
Thorvald Moe	H
Oskar Røen	MDG
Monica Tjønna	Sp

Møteleiar:	Karl Bård Kollbotn
Møtesekretær:	Marianne Soleng

Desse sakene vart handsama:

Sakliste

Sak nr.	Arkivsak	Sakstittel	Merknad
016/2021	21/433	Faste saker	
017/2021	18/554	Søknad om dispensasjon frå delar av bandleggingssone i kommunedelplan for Fv 49 Tunnel bak Tokagjelet	
018/2021	21/265	Handsaming av søknad om dispensasjon frå LNF på GBNR 34/21	
019/2021	21/152	Uttale til høyring av melding om kraft frå land - NOA-KRAFLA	

SAKNR. 016/2021: Faste saker

15.06.2021 Naturutvalet:

Handsaming i møtet:

Godkjenning av innkalling og sakliste:

Ingen merknader til innkallinga eller saklista.

Eventuelle merknader til protokoll frå førre møte:

Ingen merknader.

Utvalet sitt kvarter:

VA - Eikedalen:

Monica Tjønna (Sp) stilte følgjande spørsmål:

Kva er status på VA/gang og sykkelsti i Eikeldalen? Ber om anslått tidsaspekt på oppstart graving til ca slutt dato ferdigstilling prosjekt.

Om ein sjølv grunnborar etter vatn, vil ein då verta tvunge inn på den offentlege VA når den kjem? Kva kostar påkoblinga og årleg kostnad etter påkoblinga? (ser då bort frå arbeid ein sjølv sagt sjølv tek med rør mot koblingspunkt, til hus ++)

Svar frå rådmannen/ eining for samfunnsutvikling:

Samnanger kommune er ferdig med forprosjektet for utbygging av vass- og avløpsleidning gjennom Eikedalen. Forprosjekt vil seie at alle avklaringer vedrørende trasevalg, plassering av punmpestasjoner med meir er avklart, og det føreligg ferdige planteikningar på dette. Neste steg i prosessen vil vere at kommunen avklarar framdrift i lag med Kvam. Både finansiering og framdrift vidare ligg til rådmannskontoret å avklare. Når avklaringer her er gjort, skal Kvam ta ansvaret for offentleg anbud, detaljprosjekter (lage arbeideikningar) og ha ansvaret for byggeoppfølginga (jf.kontaktsavtalen mellom kommunane).

Rådmannen sjekker status i saka med Kvam kommune.

Hyttene i Samnanger kommune er alt knytt til.

Bustadar må koble seg på, hyttareigarar vert ikkje pålagt påkopling.

Leikeplass på Haga.

Anja Elisabeth Gjerde Markhu (Bl) spør om status i saka.

Einingsleiar samfunnsutvikling Hilde-Lill Våge orienterte utvalet.

NAT- 016/2021 Vedtak:

- Møteinncallinga og saklista vert godkjent.
- Orienterings-/referatsaker vert tekne til orientering.

Rådmannen sitt framlegg til vedtak:

- Møteinncallinga og saklista vert godkjent.
- Orienterings-/referatsaker vert tekne til orientering.

SAKNR. 017/2021: Søknad om dispensasjon frå delar av bandleggingssone i kommunedelplan for Fv 49 Tunnel bak Tokagjelet

15.06.2021 Naturutvalet:

Handsaming i møtet:

Monica Tjønna (Sp) bad om å få vurdert sin gildskap då ektemannen hennar er grunneigar i det berørte området. Tjønna gjekk i frå medan utvalet handsama gildskapen hennar. Ho vart samrøystes funne ugild jf. forvaltningslova §6b, og deltok difor ikkje i handsaminga av saka.

Etter førre handsaming har administrasjonen komme med nye opplysningar i saka. Utvalet var einige om at det vert sett på som liten sjanse for at det vert store kostnader for Samnanger kommune.

Rådmannen sitt framlegg til vedtak inkl. vilkår vart samrøystes vedteke.

NAT- 017/2021 Vedtak:

Med heimel i plan- og bygningslova § 19-2 vert det gjeve dispensasjon frå delar av bandleggingssona H710 i kommunedelplan for Fv 49 Tunnel bak Tokagjelet, for gjennomføring av delar av reguleringsplan for Eikedalen hyttegrennd. Bandleggingssona H710 gjeld krav om framtidig regulering av ny trasé for fv 49 for heile planområdet innanfor kommunedelplanen.

Dispensasjon vert gjeve til følgjande område i reguleringsplan for Eikedalen hyttegrennd, som har overlapp med kommunedelplan for Fv 49:

- Felles køyreveg f_SKV2, inkludert sideareal annan veggrunn
- Felles parkeringsplass f_SPA1
- Felles renovasjonsareal f_BKT1

Ein slik dispensasjon set ikkje vesentleg til sides nokon av dei omsyna som bandleggingssona eller plan- og bygningslova skal ta i vare. Etter ei samla vurdering meiner me at fordelane er klårt større enn ulempene, og det kan gjevast dispensasjon på vilkår.

Det vert stilt følgjande vilkår for dispensasjonen:

- Fram til endeleg reguleringsplan for Tokagjelet skal det uten Vestland fylke sitt samtykke ikkje tillatast andre tiltak enn veg, parkeringsplass og renovasjonsareal innanfor bandleggingssona.
- Dersom Vestland fylke i samband med Tokagjelet-prosjektet utarbeider reguleringsplan som fører til innløyising av areal som denne dispensasjonen gjer løyve til å utbygge, skal auka kostnader og risiko i denne forbindelse ligge på Samnanger kommune. Deriblant, men ikkje bregrensa til auka utgifter ved innløyising av eigedom og opparbeiding av areal. Samnanger kommune dekkar likevel ikkje Vestland fylkeskommune sine interne kostnader til sakshandsaming, eller eventuell konsulentbistand dei ynskjer å henta inn.»

25.05.2021 Naturutvalet:

Handsaming i møtet:

Ragnhild Lønningdal (planleggjar) presenterte saka og svarte på spørsmål frå representantane.

Uttale frå Vestland fylkeskommune, motteke 25.05.2021, vart sendt ut til alle representantane rett før møtestart.

Det vart lagt fram eit fellesframlegg til vedtak der handsaming av saka vert utsett til ekstramøte i naturutvalet som er sett opp 15.06.2021. Dette gjer til at administrasjonen får tid og høve til å setje seg skikkeleg inn i uttalen frå fylkeskommune og utgreia saka betre.

Fellesframlegget vart samrøystes vedteke.

NAT- 014/2021 Vedtak:

Saka vert utsett, og skal handsamast i naturutvalet 15.06.2021.

Rådmannen sitt framlegg til vedtak:

Med heimel i plan- og bygningslova § 19-2 vert det gjeve dispensasjon frå delar av bandleggingssona H710 i kommunedelplan for Fv 49 Tunnel bak Tokagjelet, for gjennomføring av delar av reguleringsplan for Eikedalen hyttegrend. Bandleggingssona H710 gjeld krav om framtidig regulering av ny trasé for fv 49 for heile planområdet innanfor kommunedelplanen.

Dispensasjon vert gjeve til følgjande område i reguleringsplan for Eikedalen hyttegrend, som har overlapp med kommunedelplan for Fv 49:

- Felles køyreveg f_SKV2, inkludert sideareal annan veggrunn
- Felles parkeringsplass f_SPA1
- Felles renovasjonsareal f_BKT1

Ein slik dispensasjon set ikkje vesentleg til sides nokon av dei omsyna som bandleggingssona eller plan- og bygningslova skal ta i vare. Etter ei samla vurdering meiner me at fordelane er klårt større enn ulempene, og det kan gjevast dispensasjon på vilkår.

Det vert stilt følgjande vilkår for dispensasjonen:

- Vil bli lagt fram i møtet, då formulering av vilkåra er avhengige av innkomen uttale frå Vestland fylkeskommune

SAKNR. 018/2021: Handsaming av søknad om dispensasjon frå LNF på GBNR 34/21**15.06.2021 Naturutvalet:**

Handsaming i møtet:

Utvalet diskuterte saka.

Representantane i utvalet stilte spørsmål om retningslinjer for utlegging av flytebrygger eventuelt kan takast med i arealdelen av kommuneplanen.

Rådmannen sitt framlegg til vedtak vart vedteke med 5 mot 4 røyster.

Desse stemte imot: Thorvald Moe (H) , Karl B. Kollbotn (Frp) , Linda H. Kollbotn (Frp) og Oskar Røen (MDG).

NAT- 018/2021 Vedtak:

Med heimel i plan- og bygningslova § 19-2 vert det ikkje gjeve dispensasjon frå kommuneplanens arealdel til etablering av flytebrygge på gbnr. 34/21. Grunngeving for vedtaket er at omsyna bak arealføremåla og byggjegransa i kommuneplanen vert vesentleg sett til side, og fordelane med å gje dispensasjon er klårt mindre enn ulempene for ålmenta. Ein dispensasjon i denne saka vil vere i strid med m.a.tiltaksforbodet langs sjø og vassdrag jf.pbl.§1-8, og ein dispensasjon i denne saka vil kunne medføre ei ytterlegare uønska privatisering av strandsona rundt Eikedalsvatnet. Det ligg òg fleire andre eigedomar langs vatnet i dette området.

Rådmannen sitt framlegg til vedtak:

Med heimel i plan- og bygningslova § 19-2 vert det ikkje gjeve dispensasjon frå kommuneplanens arealdel til etablering av flytebrygge på gbnr. 34/21. Grunngeving for vedtaket er at omsyna bak arealføremåla og byggjegransa i kommuneplanen vert vesentleg sett til side, og fordelane med å gje dispensasjon er klårt mindre enn ulempene for ålmenta. Ein dispensasjon i denne saka vil vere i strid med m.a.tiltaksforbodet langs sjø og vassdrag jf.pbl.§1-8, og ein dispensasjon i denne saka vil kunne medføre ei ytterlegare uønska privatisering av strandsona rundt Eikedalsvatnet. Det ligg òg fleire andre eigedomar langs vatnet i dette området.

SAKNR. 019/2021: Uttale til høyring av melding om kraft frå land - NOA-KRAFLA

15.06.2021 Naturutvalet:

Handsaming i møtet:

Skriv frå Karl B. Kollbotn (Frp) vart ettersendt til naturutvalet sine medlemmar 14.06.2021. Det vart semje om at denne saka skulle behandlast i utvalet, og at naturutvalet skulle sende inn høyringsuttale til NVE i konsesjonssaka "Landstrømanlegg til NOA/ KRAFLA" (saknummer 202106086) innan fristen 21.06.2021. Saka vart difor teken inn på saklista og handsama i møtet.

Monica Tjønna (Sp) sette fram følgjane fellesframlegg i saka:

"Samnanger kommunen har stilt mykje natur til rådvelde allereie, og vil ikkje lengre godta naturinngrep i vår kommune i prosjekter som ikkje gagnar våre innbyggjare. Synlege og varige inngrep er ikkje akseptabelt. Natur og friluftsliv vert alltid tapare for slike type prosjektar, og pengar og økonomi veg diverre tyngre enn omsynet til naturen vår som er uerstatteleg. Me meiner at naturen vår MÅ vega absolutt tyngst.

Elektrifiseringa frå land til norsk sokkel er me negative til.

Me viser til vedtak i Samnanger kommunestyre den 22.04.2021 til KVVU frå Statnett Bergen og Omland.

Samnanger kommune krev å få vera aktiv høyringsinnstans og me krev å få delta i alle prossesar som berører vår kommune.

Trasevalget frå Børdalen til fjordkabel gjennom Samnanger kommune er uønska."

Fellesframlegget frå representanten Tjønna vart samrøystes vedteke.

NAT- 019/2021 Vedtak:

Uttale til høyring av melding om kraft frå land ang. NOA/Krafla

Samnanger kommunen har stilt mykje natur til rådvelde allereie, og vil ikkje lengre godta naturinngrep i vår kommune i prosjekter som ikkje gagnar våre innbyggjare. Synlege og varige inngrep er ikkje akseptabelt. Natur og friluftsliv vert alltid tapare for slike type prosjektar, og pengar og økonomi veg diverre tyngre enn omsynet til naturen vår som er uerstatteleg. Me meiner at naturen vår MÅ vega absolutt tyngst.

Elektrifiseringa frå land til norsk sokkel er me negative til.

Me viser til vedtak i Samnanger kommunestyre den 22.04.2021 til KVVU frå Statnett Bergen og Omland.

Samnanger kommune krev å få vera aktiv høyringsinnstans og me krev å få delta i alle prossesar som berørrar vår kommune.

Trasevalget frå Børdalen til fjordkabel gjennom Samnanger kommune er uønska.

Rådmannen sitt framlegg til vedtak:

Saka vert sett fram utan framlegg til vedtak